

## Ləkaləkətə ŋga Bulusə ka Filimanə

<sup>1</sup> Wiinə ləkaləkətə ca dzə ka hə, moodə guva-slənə geenə Filimanə. Nyi Bulusə da ndzəkəŋushi'inaamə Timooti ca naahə ka hə. Ma nya, kə kəshi ənji tə nyi aa furəshina putə ŋga Yeesu \*Aləmasiihu. \*

<sup>2</sup> Agi naahənə nə nyi əsə ka ndzəkəŋushi'inaamə i Afiya da Arəkipusə. Ma Arəkipusə, kə kəŋaanə ci də ŋgeerənə agi madzawə slənənə gaamə. Agi naahənə nə nyi əsə ka Ikəliisiya ətə ca gərə'wə ka Əntaŋfə gaku asii. †

<sup>3</sup> Wa Əntaŋfə Dəsənaamə da Slandanə Yeesu Aləmasiihu a dfa koonə pwapoonə, təya vii koonə ndzaanə jamə.

### *Uudənə ŋga Filimanə da vii gooŋgaakii*

<sup>4</sup> Ndzəkəŋunə Filimanə, taa guci cii kya dfa də'wa, agi 'wapaanə nə nyi tə hə, nya kuyirii tə Əntaŋfə,

<sup>5</sup> acii agi fanə nə nyi uudənaaku tə ənji ŋga Əntaŋfə patə da gooŋgatə vii hə ka Slandanə Yeesu.

<sup>6</sup> Agi dfanə nə nyi də'wa kaa ləbənə gaamə agi nə'unə tə Yeesu a tsakə dfa ka hə ŋgeerənə, ha

---

\* **1:1 1** Timooti: 1 Koor. 4.17. † **1:2 2** Rooma 16.5; Arəkipusə: Kwal. 4.17. **1:4 4** Rooma 1.8. **1:5 5 1** Tees. 3.6.

shii patønə nga barəkaatə dʒii Əntanjə kaamə daciʒi Yeesu Aləmasiihu.

<sup>7</sup> Ndzəkəŋunə, kə dʒii nyi maɖuunə moodasəkə putə nga uufənaaku tə ənji nga Əntanjə. Kə baa ma'yanəki əsə, acii kə əgəvə hə ma'i rara'ə aa ədzəmə ənji nga Əntanjə.

*Kədiinə putə nga Unisimasə*

<sup>8</sup> Acii ha'ə, makə dʒii ci, masləkee əndə nga Aləmasiihu nə nyi, ka mbeenə nə nyi ka banə ka hə yadə ŋgwalənə tə sətə dəbee ha ɖa.

<sup>9</sup> Amma, putə nga uufəənə ahadaamə, taku kaa nya kədii tə hə də kədii kədii. Nyi Bulusə, masara, ca naahə. Wiinə əsə, əndə furəshina nə nyi putə nga Yeesu Aləmasiihu.

<sup>10</sup> Wanyinə ka kədiinə aciiku ka madəbama nga uuzənaaki Unisimasə. Kə ndzaa nyi makə dʒii a furəshina, acii kə ɖaarii nyi ka ci rəgwa nga vii goŋga ka Aləmasiihu. ‡

<sup>11</sup> Ma nga ŋukə, pooshi nafalaakii ka hə, amma, ma əndzə'i, tə'i nafalaakii kaŋwə, əntaa wata ka nyi.

<sup>12</sup> Wanyitsə kə ənyi ka sləkeenə ka ci aabiiku əndzə'i; moodəkəyaaki nə ci.

<sup>13</sup> Kə mwayi nyi kapaanə tə ci ganə abiiki kaa ca tsakə tə nyi ka madəba maku, waatoo agi ndzaanaaki ganə a furəshina putə nga Njunyi Habara.

<sup>14</sup> Amma paa nyi ka moonə nya kapaa tə ci yadə luuvənaaku, acii paa nyi ka moonə

---

**1:6 6** Fil. 1.9; Kwal. 1.9-10. **1:7 7** Rooma 12.10; 2 Koor. 7.4; Iɓer. 13.1. **1:8 8-20** 1 Tim. 6.1-2. **1:9 9** Filim. 1; Af. 3.1.

‡ **1:10 10** Unisimasə: Kwal. 4.9; uuzənaaki: 1 Tim. 1.2. **1:13**

**13** Fil. 2.30.

nya kavə tə hə tyasə kaa ha da ka nyi nga'aanə. Amma, wa ca ndzaanə nga luuvənə nga ədzəməku.

<sup>15</sup> Mbu'u ci dīi, ma dzəginə nga Unisimasə abiiku nga uundzə saa'i, kaa ca kavə tə ci ka vii gooŋga ka Yeesu, ca ənə ka ndzaanə abiiku nga ca'ə ndəŋwə ndəŋwə.

<sup>16</sup> Ma əndzə'i, əntaa wata mava nə ci; kə palee ci ka mava, acii ndzəkəŋunə nə ci putə nga Aləmasiihu. Sə nga uudənə nə ci ka nyi ka shaŋə. Sakwa ka ha, ətsə ndzaa ci ka mavaaku da ndzəkəŋunə putə nga Slandana.

<sup>17</sup> Acii ha'ə, maa kə ŋgīrə hə tə nyi ka kadashinaaku, luuwə tə ci makə sətə cii kwa luu tə nyi.

<sup>18</sup> Maa kə shi ca bəzee ka səkəku taa ka ŋgutə rəgwa patə, taa dəmənaku nəndə aciikii, tə nyi cii kwa nə'u.

<sup>19</sup> Nyi Bulusə ca naahə ənə də ciinəki oo'i, nyi Bulusə, ka ənəpaaginə nə nyi ka hə saaku. Amma buurətə oo'i, daciiki upaa hə luupaanə. Patə da ha'ə paa nyi ka wabənə agyanəkii.

<sup>20</sup> Tuutəta'ə ndzəkəŋunə, uudagi səkəki putə nga Slandana. Əgəvə ma'i rara'ə aa ədzəməki putə nga Aləmasiihu.

<sup>21</sup> Kə shii nyi, ka dətənə nə hə makə sənə cii kya naahə ka hə. Kə shii nyi maa, ka dətənə nə hə palee ka ətsa.

<sup>22</sup> Agi kədiinə nə nyi aciiku əsə, kaa ha kapaa ka nyi kuva, acii agi kanə nə nyi na oo'i, ka

luunə nə Əntaŋfə də'wa goonə, ca ənəpaagi də nyi aabii unə.

*Tsakə nəhəpaanə*

<sup>23</sup> Yoo, ma Əpafərasə, guva-furəshinaaki putə ŋga Yeesu Aləmasiihu, kə nəhəpaa ci tə hə. §

<sup>24</sup> Ha'ə əsə nə guvii-slənaaki, waatoo Marəkusə da Arisətarəkusə da Dimasə da Luka, agi nəhəpaanə nə tii tə hə. \*

<sup>25</sup> Wa Slandanaamə Yeesu Aləmasiihu a də koonə pwapoonə.

---

§ **1:23 23** Əpafərasə: Kwal. 4.12. \* **1:24 24** Marəkusə: Slənə 12.12; 2 Tim. 4.11; Arisətarəka: Kwal. 4.10; Dimasə da Luka: Kwal. 4.14.

**Kura Aləkawalə ɲga Əntaɲfə**  
**Gude: Kura Aləkawalə ɲga Əntaɲfə New Testament**  
copyright © 2000 Wycliffe Bible Translators, Inc.

Language: Gude

Contributor: Wycliffe Bible Translators, Inc.

All rights reserved.

2020-11-17

---

PDF generated using Haiola and XeLaTeX on 28 Dec 2024 from source  
files dated 29 Jan 2022

56396c70-45d3-5118-be46-8c4c3fec34f1